

ԳՐԱԽՈՍԱԿԱՆ

ԹՅՈՒՐԲԻԱՆ ԴԻՄԱԿՈՎ ԵՎ ԱՌԱՆՑ ԴԻՄԱԿԻ «Գերմանիայի արտաքին գործերի մինիստրության փաստաթղթերը»

ՊՐԱԿ II

Գերմանական փողափակամթությունը Թյուրքիայում (1941—1943 թ.թ.)¹

Երկրորդ համաշխարհային պատերազմի պատմության, նրա ծագման պատճառների ուսումնասիրությունը հսկայական հետաքրքրություն է ներկայացնում ոչ միայն տեսական, այլ և քաղաքական առումով:

Եթե Գերմանական ֆաշիզմը կարողացավ սկսել համաշխարհային պատերազմը և մի քանի տարի շարունակ դազանություններ կատարել խաղաղասեր ժողովուրդների տերիտորիաներում, իր գարշելի կրոնիկի տակ պահել և շահագործել երկրներ, ապա այդ գործում մեղավոր է ոչ միայն Գերմանիան, այլ և բոլոր այն պետությունները, որոնք գաղտնի կամ լեզալ հանապարհով օգնեցին Գերմանիային:

Նյուրնբերգյան դատավարությունը ցույց տվեց գերմանա-ֆաշիստական դավթիշների հրեշային պլանները, որի կիրառումն այնքան ծանր նշատեց ղեմնկրատական երկրների վրա, իրենց խաղաղ աշխատանքով ապրող ժողովուրդների վրա:

Նյուրնբերգյան դատավարության նյութերի վրա ավելացան նաև ՍՍՌ Միության Արտաքին Դործերի Մինիստրության Արխիվային Վարչության արամադրության տակ գտնվող գերմանական արտաքին գործերի մինիստրության փաստաթղթերը, որոնց II պրակը (36 փաստաթուղթ) վերաբերում է գերմանական քաղաքականությանը Թյուրքիայում 1941—1943 թ. թ.: Երկրորդ համաշխարհային պատերազմի պատմությունն ուսումնասիրողների համար այդ փաստաթղթերը խոշոր նշանակություն ունեն: Այդ փաստաթղթերով կարելի է զննատել ոչ միայն Գերմանիայի, այլ և Թյուրքիայի քաղաքականությունը: Այժմ հայտնի է դառնում, որ Գերմանիան պատրաստվելով հարձակվել Սովետական Միության վրա, նա միաժամանակ ապահովեց իր թիկունքը Թյուրքիայից, վերջինիս հետ կնքելով գաղտնի պայմանագիր, չնայած այդ պայմանագիրը հակասում էր այն պարավորություններին, որ Թյուրքիան ուներ Անգլիայի հանդեպ:

Երբ պետք է կնքվեր պայմանագիր Գերմանիայի և Թյուրքիայի միջև, հարկավոր էր ձևակերպում գտնել: Թյուրքական պրեզիդենտը գերմանական ղեսպան Պապենին հանգստացնում էր ասելով՝ «Քանի որ կա ցանկություն, ապա կգտնվի նաև ձևակերպում» (էջ 7): Ուխտադրուժների և քաղաքական ավանյուրեստների համար ձևակերպում գտնելը զժվար գործ չէր և 1941 թվի հունիսի 18-ին պայմանագիրը կնքվեց, իսկ դրանից երեք օր

¹ Հայպետհրատ, 1947 թ., տիրաժ 600, 128 էջ, գինը 6 ռ:

հետո հիտլերյան հորդանները զաղտաղողի, հրով ու սրով մտան Սովետական Միության հողը։ Հետաքրքրական է նաև, որ Գերմանիան միաժամանակ բանակցություն է վարում Թյուրքիայի հետ կնքելու զաղտնի պայմանագիր, մի պայմանագիր, որը Գերմանիային հնարավորություն կտար անարգել կերպով դենք և ռազմանյութեր փոխադրել Թյուրքիայի վրայով։

Այդ պայմանագրի կնքման առթիվ Լիբենտրոպն ասել է՝ «զործնականորեն սա հավասարազոր կլինեք քողարկված ձևով զորքերի որոշ քանակ փոխադրելու թույլտվություն ստանալուն» (էջ 9)։

Փաստաթղթերից երեւում է, որ գերմանական դիպլոմատիան շատ էր մտահոգված այդ պայմանագրի իրագործմամբ, որովհետև դա խոշոր սշանակություն ունեւ Գերմանիայի համար երկու պատճառով։ Նախ՝ այդ պայմանագիրը պետք է մի կողմից ուժեղացներ գերմանական ռազմական ազդեցության Մերձավոր Արևելքում, ստեղծելով իրեն համար նոր պլացդարմ, մյուս կողմից՝ օգտագործելով Թյուրքիան և Իրանը, Գերմանիան կհարձակվեր Սովետական Միության հարավային սահմանների վրա։

Թյուրքիան նույնպես լավ էր հասկանում այդ բանակցությունների իմաստը և իր հերթին մտահոգված էր օգտագործել Գերմանիայի ժամանակավոր հաջողությունները և առաջ քաշել իր նվաճողական-հափշտակողական ձգտումները։

1941 թ. օգոստոսի 5-ին Թյուրքիայի գերմանական դեսպան Պապենը զաղտնի հաղորդում է Բեռլին, թե՝

«...Նկատի ունենալով գերմանացիների հաջողությունները Ռուսաստանում, Թյուրքական կառավարական շրջաններն ավելի ու ավելի են սկսում զրադվել իրենց այն հայրենակիցների վիճակով, որոնք դառնում են ռուս Թյուրքական սահմանի մյուս կողմը, և առանձնապես աղբյուրական Թյուրքերի վիճակով։ Այդ շրջաններում, ըստ երևույթին, հակամետ են վերադառնալ 1918 թ. դեպքերին և ուզում են իրենց միացնել այդ մարզը, առանձնապես Իսթվի ամենաարժեքավոր նավթի նանքավայրերը» (էջ 29)։

Այնուհետև Պապենը մանրամասն հաղորդում է, թե Թյուրքիայի կառավարող շրջաններն ինչպես են նախագծում այդ։ Այդ նույն օրը, այսինքն 1941 թ. օգոստոսի 5-ին, Բեռլինի Թյուրքական դեսպանը գերմանական դիպլոմատների ուղարկությունը հրավիրեց՝ «... Թյուրքական ցեղերի միջոցով հակասովետական պրոպագանդա մղելու հնարավորության վրա։ Հետո նա բավական անկեղծորեն խոսում էր այն մասին, թե հետագայում կարելի է կովկասյան ժողովուրդներին միավորել մի բուֆերային պետության մեջ, և ակնարկեց, որ Կասպից ծովից դեպի արևելք նույնպես կարող էր մի ինքնուրույն Թյուրքական պետություն ծագել» (էջ 35)։ Սա դեռ բոլորը չէ։

«Զեռուք» Թյուրքիան իր պրոպագանդիստներին ուղարկեց Ղրիմի թաթարների մեջ աշխատանք ծավալելու, որի նպատակն էր՝ գործել «ընդհանուր գերմանա-թյուրքական շահերի համար»։

1941 թվի աշնանը Հիտլերը հրավիրում է իր մոտ Թյուրքական գեներալներին և հրահանգավորում նրանց, Վերջիններս վերադառնալով Անկարա, դեկուցում են իրենց կառավարությանը և հայանում այն կարծիքը, որ «...ռուսական կամպանիան հիմնականում կարելի է ավարտված հա-

մարել, բացի դիմագրություն երեք կետերից, իսկ դիմագրության այդ կետերի լիկվիդացիան կախված է միայն օդերևութաբանական պայմաններից» (էջ 38)։ Ինչպես երևում է, Գերմանիայի ժամանակավոր հաղորդությունները գլխավորապես են բերել ոչ միայն Գերմանիայի, այլև Թյուրքիայի ղեկավարներին, և ինչպես երևում է փաստաթղթերից, Թյուրքական կառավարությունը Գերմանիայի հաղթանակին էլ սպասում էր։ Ահա թե ինչու Պապենը 1942 թ. հունվարի 5-ին հաղորդում է. «Ձափազանց բովանդակալից մի զրույցի մեջ, որ ես մի քանի օր սրանից առաջ ունեցա պարոն պրեզիդենտի հետ, բազմրցս նշմարվում էին հավաստիացումներ, թե Թյուրքիան վերին աստիճանի շահագրգռված է ռուսական հսկայի ոչնչացումով և որ ոչ մի պրոպագանդա և ոչ մի ճնշում անգլո-ամերիկյան կողմից ի վիճակի չի լինի դրդել Թյուրքիային անելու թեկուզ և ամենաանշան մի քայլ, որն ուղղված լիներ ի ֆուսս մեր շահերին։ Ընդհակառակը, պրեզիդենտն ընդգծեց, որ արդեն ներկա մոմենտին Թյուրքիայի չեզոք դիրքը շատ ավելի ձեռնտու է առանցքի երկրների համար, քան Անգլիայի համար» (էջ 50)։ Ինչպես ասում են՝ կոմենտարիաներն ավելորդ են։

Հրապարակված փաստաթղթերից երևում է նաև, որ Թյուրքական բանակի գլխավոր շաբը Գերմանիայի գլխավոր շտաբի տրամադրության տակ է դրել ռազմական, տնտեսական և քաղաքական կարգի լայն և դադանի ինֆորմացիա՝ Սովետական Միության, ինչպես նաև Անգլիայի և Ամերիկայի մասին։ Ծառայությունը փոխադարձ էր։ Գերմանիան իր հերթին Թյուրքիայի տրամադրության տակ է դնում ռազմանյութ, զենք։ Ամրոցը պատերազմի ընթացքում Թյուրքիան Գերմանիային մատակարարեց խրոմ թանգարժեք ռազմական նյութը, որի կարիքը խիստ կերպով զգում էր Գերմանիան, և այդ այն դեպքում, երբ նույն այդ Թյուրքիան, համաձայն պայմանագրի, ռազմական նյութ էր ստանում նաև Անգլիայից ու Ամերիկայից։ Ուրիշ խոսքով՝ այն դեպքում, երբ ադատասեք ժողովուրդները կյանքի և մահու կռիվ էին մղում ֆաշիզմի դեմ, «չեզոք» Թյուրքիան «մի ձեռքով երկու ձեռքով էր վերցնում»՝ միաժամանակ ռազմական օգնություն ստանալով ինչպես Գերմանիայից, այնպես էլ Անգլիայից ու Ամերիկայից։

Ինչպես գիտենք, 1942 թ. աշնանը գերմանական հորդանները հասան Ստալինգրադի պատերի տակ։ Թյուրքիան այդ ճակատամարտի նշանակությունը շատ լավ էր հասկանում և մեծ հույսեր էր կապել դրա հետ, կարծելով, որ Գերմանիան անպայման հաղթանակ կտանի։

Այդ մասին կա Պապենի վկայությունը. ահա այն՝ գրված 1942 թ. օգոստոսի 26-ին.

«Թյուրքական գլխավոր շտաբը գտնում է, — ասված է հաղորդագրության մեջ, — որ Ստալինգրադի գրավումն այս տարվա պատերազմական դործողությունների վճռողական մոմենտը կհանգիստանա, և դրանից մի քիչ հետո ավելացնում է՝ «Թյուրքիան ինչպես առաջ, այնպես էլ այժմ, ամենավճռական կերպով շահագրգռված է բոլշևիկյան Ռուսաստանի ըստ կարելույն ավելի լիակատար պարտության» (էջ 80—81)։

Ինչ խոսք, որ այս կարգի «չեզոքությունը» Պապենին և նրա տերերին շատ ձեռնտու էր։ Շատ բնորոշ է այն զրույցի բովանդակությունը, որ ունեցել է Պապենը Սարաջոզլուի հետ։

Տեղեկագիր 4.—7

Պապենի գաղտնի հաղորդագրության մեջ (թյուրքական պրեմյեր-մինիստր Սարաջօղլուի հետ ունեցած դրույցի մասին) կարդում ենք. «Իբրև թյուրք, նա (Սարաջօղլուն: Խ. Դ.) բռն կերպով ցանկանում է Ռուսաստանի ոչնչացումը: Ռուսաստանի ոչնչացումը հանդիսանում է ֆյուրերի սխրագործությունը, որին հավասարը հարյուրամյակում մեկ անգամ կարող է կատարվել. այդ նաև թյուրքական ժողովրդի վաղեմի իղձն է: Յուրաքանչյուր թյուրք, նույնիսկ անգլիացիների համար գրող Յալչինը, չի կարող այդ մասին մտածել այլ կերպ, քան ինքը: Նորերս ունեցած իր ելույթում, որով նա արտահայտեց իր նվիրվածութունը թյուրքիզմի գաղափարին, նա ուզում էր կողմնակի կերպով մատնանշել այդ բանը: Ռուսական պրոքլեմը կարող է լուծվել Կերմանիայի կողմից, եթե միայն սպանվի Ռուսաստանում ապրող բոլոր ռուսների առնվազն կեսը, եթե այսուհետև ռուսական ազդեցության տակից մի անգամ ընդմիշտ հանվեն ռուսացված մարդերը, որտեղ բնակվում են աղղային փոքրամասնությունները, և եթե այս մարդերը դրվեն սեփական ոտքերի վրա, ներգրավվեն կամավոր համագործակցության մեջ առանցքի տերությունների հետ և դաստիարակվեն որպես սլավոնության թշնամիներ: Ինչ վերաբերում է ռուսական մարդկային պոտենցիալի զղալի մասի ոչնչացմանը, ապա դաշնակիցներն ամենաճշմարիտ ճանապարհով են ընթանում: Թե ինչ է որոշել ֆյուրերն ազգային փոքրամասնություններով բնակեցված մարզերի ապագա կառուցվածքի մասին, իրեն հայտնի չէ: Այդ մարդերի բնակչության գերակշռող մեծամասնությունը բաղկացած է թյուրքական ժողովուրդներից, և այդ պատճառով թյուրքիան օրինական շահ ունի այդ հարցի լուծման մեջ» (էջ 86—87):

Գարեթի է բերել բաղմաթիվ այլ փաստաթղթեր, սակայն այսքանն էլ բավական է, որպեսզի մեր ընթերցողը երկրորդ համաշխարհային պատերազմի ընթացքում «չեզոքությամբ» դիմակավորված թյուրքիային տեսնի առանց գիմակի, իր իսկական դեմքով:

Պետհրատը խրախուսելի գործ է կատարել հրատարակելով այդ պրակը, սակայն վատ չէր լինի, եթե հրատարակվեին նաև փաստաթղթերի մնացած պրակները, որոնք վերաբերում են մյուս պետություններին:

Խ. ԴԱՆԻԵԼՅԱՆ

